

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 10. Mee 2021

Här President,

esou wéi d'Chamberreglement et virgesäit, bieden ech Iech, dës parlamentaresch Fro un d'Madamm Kulturminister weiderzeleeden.

Am Joer 2022 ass d'Stad Esch, zesumme mat den 10 anere Gemengen aus dem ProSud (Monnerech, Käerjeng, Déifferdeng, Diddeleng, Keel, Rëmeleng, Péiteng, Beetebuerg, Suessem, Schëffleng) an 8 Gemengen aus dem franséische Grenzgebitt (Réideng, Til, Weller, Däitsch-Oth, Bettschden, Réisseng, Armet, Etteng), den Organisateur vun Esch2022 - europäesch Kulturhauptstad.

Et handelt sech hei ëm e Projet an enger Regioun, där hir typesch historiesch original Sprooch d'Lëtzebuergesch ass, esouwuel op Lëtzebuurger Säit, ewéi och zu engem groussen Deel op franséischer Säit. D'Lëtzebuurger Sprooch ass och an dëser Regioun e wäertvollt kulturellt Gutt. Grad op franséischer Säit ass dëst awer zënter Joerzénge um Verschwannen.

An deem Kontext wéilt ech der Madamm Kulturminister gär folgend Froe stellen:

1. Ass geplangt d'Internetsäit, d'Säiten an de soziale Medien an allgemeng d'Kommunikatioun am Kader vun Esch2022 och op Lëtzebuergesch ze maachen? Zu wéi engem Deeler? Wann nee, firwat gétt sech an der Kommunikatioun deelweis géint d'Lëtzebuurger Sprooch entscheet?
2. Ass d'Madamm Minister der Meenung, datt d'Lëtzebuurger Sprooch grad en zousätzleche Punkt un Originalitéit an Eegeart fir dës Regioun bedeit, an e Mierkmol vu Verbindung tëscht de lëtzebuergeschen a franséische Gemenge bedeit?
3. Ass am Kader vum Kulturjoer 2022 och e Projet geplangt fir d'Lëtzebuurger Sprooch oder am Zesammenhang mat der Lëtzebuurger Sprooch?

Mat déiwem Respekt,



Fred Keup
Deputéierten